






განვითარებისა და დემოკრატიის ცენტრი
CENTER FOR DEVELOPMENT AND DEMOCRACY

ევროკავშირში საქართველოს გაწევრიანების ნაბიჯები

ევროკავშირში ახალი წევრის მიღება ეფუძნება ევროკავშირის ხელშეკრულების 49-ე მუხლს, რომლის მიხედვითაც, ნებისმიერი ევროპული სახელმწიფო შესაძლოა გახდეს ევროკავშირის წევრი თუ ის აღიარებს ამავე ხელშეკრულების მე-2 მუხლით განსაზღვრულ პრინციპებს:

“ აღიიანის ღირსების კაზივისხაჲ, თავისუფლება, დემოკრატია, თანასწორობა, კანონის უზენაესობა და აღიიანის უფლებები, მათ შორის უმხირასობას მიუთხნებულ პირთა უფლებები. “

ევროკავშირში გაწევრიანებისათვის ქვეყანა უნდა აკმაყოფილებდეს ე.წ. “კოპენჰაგენის კრიტერიუმებს”. გაწევრიანების კრიტერიუმები შემუშავებულ იქნა 1993 წელს ევროპული საბჭოს კოპენჰაგენის სამიტზე, ესენია:

- 
პოლიტიკური კრიტერიუმები: დემოკრატიის უზურნველმყოფი ინსტიტუტების სტაბილურობა, კანონის უზენაესობა, ადამიანის უფლებები, უმცირესობათა დაცვა და პატივისცემა;
- 
ეკონომიკური კრიტერიუმები - ქმედითი საბაზრო ეკონომიკა და ევროკავშირის საბაზრო კონკურენციასთან გამკლავების უნარი;
- 
ინსტიტუციური კრიტერიუმები - ქვეყნის უნარი, ეფექტიანად განახორციელოს წევრობიდან გამომდინარე ვალდებულებები; ევროპის კავშირის მიზნებისადმი ერთგულება, პოლიტიკური, ეკონომიკური და მონეტარული კავშირის ჩათვლით.



ევროკავშირში გაწევრიანების ძირითადი ნაბიჯები

1

ევროკავშირში გაწევრიანების მსურველი ქვეყანა, გაწევრიანების განაცხადს უგზავნის ევროპის კავშირის საბჭოს, რომელიც თავის მხრივ სთხოვს ევროკომისიას შეაფასოს განმცხადებელი ქვეყნის მზაობა გაწევრების პროცესისთვის.

2

ევროკომისია აფასებს თუ რამდენად აქვს განმცხადებელ ქვეყანას სტაბილური ინსტიტუტები, რათა უზრუნველყოს დემოკრატია და კანონის უზენაესობა, ასევე ევროკავშირისადმი კონკურენტუნარიანი ქმედით საბაზრო ეკონომიკა, რათა დაძლიოს კოაპენჰაგენის კრიტერიუმების მოთხოვნები.

3

ევროკომისიის შეფასების საფუძველზე ევროკავშირის წევრი ქვეყნები იღებენ ერთობლივ გადაწყვეტილებას, ქვეყნისთვის ევროკავშირის წევრობის კანდიდატის სტატუსის მინიჭების შესახებ.

4

ევროკავშირის წევრობის კანდიდატის სტატუსის მინიჭების შემდეგ, ყველა წევრ სახელმწიფოსთან შეთანხმებით იწყება მოლაპარაკება გაწევრიანების შესახებ.

5

ევროკომისია წარადგენს მოლაპარაკების ჩარჩოს პროექტს, როგორც განხილვების დაწყების საფუძველს, რომელიც შემდეგ უნდა შეთანხმდეს წევრ სახელმწიფოებთან.

6

მოლაპარაკების დროს, რომლებიც დაყოფილია ჯგუფებად (კლასტერებად) და თავებად, ქვეყანა ემზადება ევროკავშირის კანონებისა და სტანდარტების დანერგვისთვის. ევროკავშირის ყველა წევრი ქვეყანა უნდა შეთანხმდეს, რომ ყველა მოთხოვნა დაკმაყოფილებულია თითოეულ შემთხვევაში.

7

ყველა სფეროში მოლაპარაკების დასრულების შემდეგ, ევროკომისია წარადგენს მოსაზრებას ქვეყნის მზაობის შესახებ გახდეს ევროკავშირის წევრი.

8

ევროკომისიის მოსაზრების საფუძველზე, ევროკავშირის წევრი ქვეყნები ერთხმად წყვეტენ მოლაპარაკების პროცესის დასრულების საკითხს. ასევე აღნიშნულს უნდა დაეთანხმოს ევროპარლამენტი.

9


ევროკავშირის წევრი ყველა ქვეყანა, ისევე როგორც კანდიდატი ქვეყანა, ხელს აწერს გაწევრების ხელშეკრულებას და ახდენს მის რატიფიკირებას; რაც საშუალებას აძლევს ქვეყანას გახდეს ევროკავშირის წევრი.



ევროკავშირში გაწევრიანების მოლაპარაკების ჩარჩო

2020 წელს ევროკავშირში გაწევრიანების მოლაპარაკების განახლებული მეთოდოლოგიის დანერგვის შემდგომ, მოლაპარაკების თავები იყოფა ექვს თემატურ ჯგუფად:

- 1 ფუნდამენტური საკითხები
- 2 შიდა ბაზარი
- 3 კონკურენტუნარიანობა და ინკლუზიური ზრდა
- 4 მწვანე ეკონომიკა და მდგარი განვითარება
- 5 რესურსები, სოფლის მეურნეობა და კოოპერაცია
- 6 საგარეო ურთიერთობები



მოლაპარაკებები თითოეულ მიმართულებაზე იწყება ერთიანად - მას შემდეგ, რაც ქვეყანა შეასრულებს წინმსწრებ პირობებს. თითოეული თავი განიხილება ინდივიდუალურად მისთვის გამოყოფილი დროითი ინტერვალის შესაბამისად. მოლაპარაკებები იწყება და სრულდება მსჯელობით ფუნდამენტურ საკითხებზე; ამდენად, ფუნდამენტური საკითხების ჯგუფში პროგრესი განსაზღვრავს მოლაპარაკებების საერთო ტემპს. პრიორიტეტულ რეფორმებში საკმარისი პროგრესი გამოიწვევს ევროკავშირში მნიშვნელოვან ინტეგრაციას; ინტეგრაცია დაჩქარდება ინვესტიციებისა და დაფინანსების (გა)ზრდით.